

SEP

SECRETARÍA DE
EDUCACIÓN PÚBLICA



Dirección Académica

**Nipeua niamapouaj uan
nitlajkuiloua ka notlajtol. Nauatl
uan tlajtoaua iyeualkan Guerrero**

**Empiezo a leer y escribir
en mi lengua. Náhuatl de Guerrero**

MIBES 1

Acho tlatemachiuajle uelilotl

Formativa 1

Kilia kenon notekichiuas tlamachtijketl

Instructivo para el asesor

MEVyT IB BE1F1.16.11.1

In Amatljajkuilojli tikuis tejua tlamachtijketl pampa tikinpaleuis momachtijkej kuak kichijchiuaskej se amatljajluilojli kampa kontlalis tlen okajxilij pan iamatlapoual ka itlajtol nauatl uan chantij pan Yautlaltipak. Pampa ompa mitsijlia kenijki tikchiuilis pan motekiu. Uan moneki xamapoua achtopa pampa ijkon kuajli tikasikamatis kenijki tikinpaleuis momachtijkej. Xikijli keskipa uelis on momachtijketl kichiuilis tlen kitlajtlanilia, **amoxkili tlen kitlalis**. Ka sejse tlajtlanilmej kuikaj se tlapouajli uan noiikon onka pan on amatljajluiloli kampa kita tla yoixtamat.

1. Xikijli momachtijketl makimita kuajli ixkopinalmej uan makinexti pampa itoka **tekolotl**, **masatl** uan **miston**, tlaxueli xipaleui noso xikijli oksepa kenijki kichiuilis, amoxkijli tlen kitlalis, tlayouel aman xikijli makintsajtsakua ika se yayaualtsin on ijkuilolmej **a**, **e**, **i**, **o** tlen kimita pan intokayo ixkopinalmej.
2. Xikijli momachtijketl makimita kuajli ixkopinalmej uan makinexti pampa itoka **tochtli** uan **uexolotl**, tlaxueli xipaleui noso xikijli oksepa kenijki kichiuilis, amoxkijli tlen kitlalis, aman xikijli makimajxilti tlajtolmej noso makimijkuilo ijkuilolmej **t**, **tl**, **l**, tlen ika kajxiltiya itokayo.
3. Xikijli momachtijketl makimita kuajli tlajtoltlasentlalilmej uan xipaleui makinexti ijkuilolmej **L**, **T**, **TL** uejueyimej uan pipitikej **l**, **t**, **tl**, tlaxueli xipaleui noso xikijli oksepa kenijki kichiuilis, amoxkijli tlen kitlalis, aman xikijli makintlatljajkuilolti ika se ueueyachtsin ijkuilolmej tlen kimita pan tlajtoltlasentlalilmej.
4. Xikijli momachtijketl makiamapoua kuajli uan makimajxilti tlajtoltlasentlalilmej ika tlajtolmej **atojli**, **sakatl** uan **xochitl**, katlejua ika kinamiki, tlaxueli

xipaleui noso xikijli oksepa kenijki kichiuilis, amoxkili tlen kitlalis, aman xikijli makixkopina tlajtojli ipan ueueyaksin kampa kinamiki.

5. Xikijli momachtijketl makiamapoua kuajli amatlanauatijli uan makita tlen kipoloua, tlaxueli xipaleui noso xikijli oksepa kenijki kichiuilis amoxkijli tlen kitlalis, noijki xikijli pampa on tokayomej tlen kikuis onkatej tlakpak, aman xikijli makijkuilo ipan ueueyaksin tlen ika kajxiltiya itokayo maseual tlen poliui, makitlapejpeni katlejua tokayotl kijkuilos kampa akin kititlanilia uan katlejua kampa akin tenauatia.
6. Xikijli momachtijketl makimita kuajli ixkopinalmej uan makinexti kenijki intoka, tlaxueli xipaleui noso xikijli oksepa kenijki kichiuilis amoxkijli tlen kitlalis, tla youel aman xikijli makijkuilo itokayouan ixkopinalmej ipan ueueyaksin (**kuanaka, tomojkojtli** noso **nochpajpatlaktsin**).
7. Xikijli momachtijketl makita kuajli ixkopinajli xipaleui makinexti tlajkuilolmej **j, k**, tlaxueli xipaleui noso xikijli oksepa kenijki kichiuilis, amoxkijli tlen kitlalis, aman xikijli makitsajtsakua ika se yayaualtsin tlajkuilolmej **j, k** tlen kita ipan tlajtoltlasentlalijli.
8. Xikijli momachtijketl makimita kuajli tlajtoltlasentlalilmej, xipaleui makinexti tlajtolmej **kikua, iyolkauan** uan **atojli** tlen kinamiki kampa kipoloua, tlaxueli xipaleui noso xikijli oksepa kenijki kichiuilis amoxkijli tlen kitlalis, xikititi ka tlen kinamiki onka inakastlan tlajtoltlasentlalilmej, aman xikijli makitlapejpeni se tlajkuilojli, uan ika kaxiltis tlen poliuij uan noijki xikili makijkuilo ipan ueueyaksin.

9. Xikijli momachtijketl makimita kuajli ixkopinalmej xipaleui makinexti itokayouan **tsanatl**, **pitsotl**, tlaxueli xipaleui noso xikijli oksepa kenijki kichiuilis amoxkijli tlen kitlalis, aman xikijli makitsatsakua ika se yayaualtsin tlajkuilolmej **n**, **p**, tlen kita pan tlajtolmej uan onkatej tlatsintlan pan ixkopinalmej.
10. Xikijli momachtijketl makimita kuajli ixkopinalmej, xipaleui makinemili intokayouan ixkopinalmej, tlaxueli xipaleui noso xikijli oksepa kenijki kichiuilis, amoxkili tlenon kitlalis, xikititi pampa kijkuilos pan se ueueyaktsin itokayouan ixkopinalmej (**yepatl**, **mapachin**).
11. Xikijli momachtijketl makimita kuajli ixkopinalmej, xipaleui makinexti tlajkuilolmej **p**, **m**, tlen kate tlakpak pan Tlajtolmej **tepalkatl** uan **polanmej**, makijkuilo kampa kipoloua ipan ueueyaktsin tlen kinamiki, tlaxueli xipaleui noso xikijli oksepa kenijki kichiuilis, amoxkijli tlen kitlalis.
12. Xikijli momachtijketl makita uan makiamapoua kuajli amatekitijli uan makinexti pampa itoka **pantle**, tlaxueli xipaleui noso xikijli oksepa kenijki kichiuilis amoxkijli tlen kitlalis, aman makijkuilo ipan ueueyaktsin uan tlakpak onka itokayo amatekitijli.
13. Xikijli momachtijketl makita kuajli amatekitijli uan makinexti pampa itoka **amatlamachiltijlotl**, tlaxueli xipaleui noso xikijli oksepa kenijki kichiuilis amoxkijli tlen kitlalis, makijkuilo ipan ueueyaktsin uan tlakpak onka itokayo amatekitijli.

Tlamilistli in amatlajkuilojli

Fin del instructivo